


沈乃文 主編

明別集叢刊 第一輯

第四十二冊

黃山書社




沈乃文 主編

明別集叢刊 第一輯

第四十二冊

黃山書社



(明)劉珏撰

重刻完菴劉先生詩集二卷

明萬曆二十二年劉玉成重刻本

重梓劉完菴詩集序

夫有性而後有情有情而後有志有志而後有言有言而後有聲有聲而後有詩而性詩之根苑也故曰詩言志又曰詩本情性之為物窮而能照淨而不垢深闊廣大不可為外析毫剖芒不可為內冲而用之而已而用之詩亦以冲貴之近性也性無意於為詩也性而有意於為詩也則不足以供吟者之用也辟其猶橐籥無意於為聲也橐

籥而有意於為聲也則不足以供吹者之求也晉宋之詩以陶彭澤為宗天寶大曆間杜為宗陶之言曰久在樊籠裏復得返自然杜之言曰水流心不競雲在意俱遲亦庶乎知性矣而潘陸鮑謝之不得埒於陶王駱沈宋之不得隣於杜性不性之辨也太倉劉完菴公詩五言似陶七言佳處似杜公知性與不予不敢知予同李太叅劉自復公裔孫也為予言曰公齡弱冠蘊

郡守况伯律辟名家子為從事
召公、上書乞從儒若冲於進
已為比部郎却莆田丞無錫令
金以明志而守三尺若冲於利
五十致政歸舊墅營小洞庭日
與故人徐武功祝京兆沈石田

序

三

輩相羊其中若冲於綬冕晚號
完菴而自為說曰天完形於上
地完質於下人受父天母地完
而生之室完而歸之如玉返璞
以全其真若冲於生死之際斯
人也謂冲而用之非耶郭子曰

幾矣幾矣公之詩似陶杜也宜
也公曾孫進士希始刻公詩於
吳大學士王守溪宗伯吳艸菴
二公為序歲久漶漫自復、校
刻於楚而屬序於予、讀二公
序一謂公神情蕭散無冠裳累

序

四

一謂公脫屣名利而自樂於山
巖水涯二公距公世未久其語
足信予因是信自復語非為親
者阿也

萬曆甲午夏五年家子泰和郭
子章謹撰

郭子章

郭子章

郭子章

完菴詩集序

夫詩自魏晉以下莫盛於唐之詩如李杜二家不可及已其餘誦其詞亦莫不清婉和暢蕭然有出塵之意其體裁不越乎當時而世似相隔其情景皆在

前序

乎目前而人不能道是以家傳其集論詩者必曰唐人唐人云抑唐人何以能此由其蓄於胸中者有高趣故寫之筆下往往出於自然無雕琢之病如韋柳又其首稱也世傳應物所至焚

香掃地而子厚雖在遷謫中能窮山水之樂其高趣如此詩其有不妙者乎完菴先生劉公少為刑部屬出金山西按察司事居三載即棄官歸吳中季始五十耳公神情蕭散無冠裳之累

前序

二

其家長洲之野江湖之上日玩雲水不足引水為池累石為山號小洞達與客登眺以樂興至輒瞪目為吟哦聲其詩專法唐人語多與合當時所與倡和者武功徐公叅政祝公及隱士沈

石田數人而已自公之歿而徐
祝二公相繼下立吳中風流文
雅不可復見矣余於公為後輩
而託交久成化辛卯予北上與
公別明年公遂不起竊恨之於
是公之曾孫布登進士第既喜

前序

三

一百十六

公之有後而布嘗輯公詩名完
菴集者請序則又喜其詩之不
止也完菴者公歸田時號也自
以保其身名幸而無虧如玉返
璞以全其真觀公晚節之善如
此又唐人王右丞輩有不可及

者其詩僅百篇所遺者尚多讀
者如得其為人則又美以多為
拙

弘治十七年夏五月朔旦

賜進士及第資善大夫掌詹事
府禮部尚書兼翰林院學士延

前序

四

辛一

陵長洲吳寬序



完菴詩集後序

板山西按察憲李劇公詩凡四
卷公諱松字廷美自少志白不
凡於守說鍾將引為從子公云
於說曰願為儒不為吏說從之
遂定應之鄉薦久之授刑部主

後序

事擢山西按察憲三年上
疏固乞致仕以歸公高志清操
季甫五十脫屣名利而自樂於
山巖水涯凡有所觸一於詩發
之詩多清妙可盡公又善於書
畫工能事即其鉅幅跡墨性

流傳吳下而整句膾炙人口思

能得其集觀之則未也弘治壬
戌公之曾孫希登進士始以一
編授予予秋讀一過歎其能以
眼前語為骨中事忙有唐人之
風乎而平日傳誦之句或不在

後序

焉乃知公之著述遺篇多矣其
亦可惜也雖然讀其集論于世
見公之骨次條然超出埃壘之
表於乎是亦足矣公嘗云士之
保身應如如玉之無玷乃為完
若故自號完菴卒列祀郡學鄉

賢之祠云

正德壬申光祿大夫柱國少傅

太子太傅兼戶部尚書 武英

殿大學士知 制誥國史 經

筵友致仕王鏊序

順正

大學書

後序

主

五

重刻完卷劉先生詩集卷上

類孝子詩并小叙

類孝子季栗執父喪哀毀五日而沒或謂其過於厚然過於厚不猶愈於薄乎為人子者能以季栗之心為心則風俗歸厚而達理亂常之徒削跡於世矣此君子於季栗所以雖抑其過而必揚其善也其季子昌持翰林陳君緝熙所著孝子傳之余請言遂據傳中事析為五題、各系之以詩附諸卷末以俟采風者觀焉

中秋詠月

卷上

詩

中秋之月皎、其光我思二親在天一方欲往從之道阻且長願為黃鶴隨風以翔斐然成詩我心孔傷、聞喪奔赴

惟雁有書來自西隅云我母氏棄我諸孤子惡當賊母有何辜哀號仰天邀不可呼清晨于邁雨雪載途悠々山川我心若剝

幽骨歸葬

秦關幾、渭水溶々母骨在函憂心冲々行荷于肩渡捧于胸既還于鄉馬羸其封子孫繩々展省不窮迎父歸養

父昔在戎亦孔勞瘁今我迎養庶幾無愧謀我兄弟
毋惜爾費戒我室人毋薄爾味既有旨酒亦有肥羜
飲之食之惟其所嗜介以眉壽黃耆台背

繼父以沒

嗟、我父天不憖遺父既亡只子生何為豈曰無食
而我弗饑豈曰無漿而我弗思一陟一降時復見之
彼蒼者天莫知我悲

瞻彼庭樹風吹不息親不逮養子何報德臬魚之言
是刑是式五日而斃在父極側彼何人斯證父為直
彼何人斯慮有德色顏彼橫流砥柱岫、太史作傳

○卷上

勒之金石於千萬年孝子不沒

得徐尚賓陞兵部郎中信喜而賀之

塞雁南飛日書來見故情大夫新拜寵高士舊知名
官簡餘閒少心勞太瘦生春風阿閣上重聽鳳皇鳴

先月樓

夜、南樓月先來照酒卮君家自近水天意本無私
樹白鳥驚早憲明燭到遲望舒如有約不用待多時

遊洞庭

泊舟銷夏灣跨馬羅漢寺心空悟禪語衣潤著山氣
籬明紅槿花路暗青松樹一嘆出東林清風送歸去

山西送直兒還家

霜臺一杯酒云住各沾纓遠道鄉關夢衰年父子情
青山成晉驛紅樹闌關城汝叔如相問歸田賦已成

紫霞洞

欲把桃源比沓源迥不同他能開秘藏我亦有仙風
龍卧一泓冷雲來雙竅通好詩吟不盡臨寫畫圖中

過沈石田有竹居次徐天全韻

烟水微茫外舟行一舍餘既覓沈東老還尋陶隱居
水絃三疊弄雪網八行書醉和陽春曲空疎愧不如

積慶堂

○卷上

隱君栖息處門對玉山岑慶世惟行義傳家不在金
舊書兒解讀芳譽士俱欽借問燕山桂何年藝故林

參寥泉

潛老栖禪處坡仙作郡時孤峰與世隔五馬入林逢
泉煮杯餘茗碑刊夢舊詩悠、四百載吊古不勝思

借騎於徐遊包山

南州雪色馬借戒看山行溪處不一到好花空自明
酒邊雙鷺老物外一身輕婚嫁年來畢何慙向子平

送吳範菴會試

秋闈名已動鄉閭得意重馳北上車辭父暨拋萊子

服致 君今用伏生書香飄 玉陛傳臚處露濕金
花錫燕餘老我閒居憶知已好音頻寄冀教疎

送徐天全再赴張湫二首

手足胼胝兩鬢秋功成深慰 至尊憂奇文五色驅
妖鐸砥柱千年障橫流載月仙槎繞北上冒寒驄馬
復南遊垂名竹帛中丞志不在分封萬戶侯

天語新承寵任專御爐烟裡玉堦前鹽梅自昔堪調
鼎舟楫于今已濟川離閣曉雲隨彩筆鎬京春酒醉
瑤筵贈行分得烏絲錦江藻皇華寫數篇

王岑道中有懷徐天全

啜茗焚香興不慳出門殘照滿青山千章古木知誰

種一路流泉送我還白髮肯辭今日醉紅塵能有幾
人間題詩報與天全老只欠君游紫翠閣

壽徐天全八詠

脫屣名區

鐵券丹書柱石臣挂冠今值太平春黃金殿上辭

明主白玉堂中別故人飛夢已先隨鹿豕圖形何必
待麒麟馮誰報與河陽令歸路無勞復望塵

游心物表

爽理功成入翠微古來明哲似君稀數編仙籙從頭

註一片閒情與世違老鳳自依珠樹宿冥鴻長近碧
天飛白頭却咲王丞相猶愛金籠放雪衣

放歌林屋

瑤液新篳貯滿瓢洞天深處恣逍遙長歌隱士紫芝
曲相和神仙碧玉簫月照石牀雲不斷風生琪樹葉
皆飄蟠桃忽報花如錦飛度瑤池酒未消

濯足太湖

華床茶竈寄孤蓬逸興春來似酒濃足濯太湖三萬
頃氣吞喬岳幾千重銀濤亂湧翻明月鐵筵橫吹起
卧龍回首雙鳬飛碧落漁郎何處覓仙踪

草閣集方

草閣閒來理舊囊手抄寧厭字千行全無政府清涼
徹半是仙家却老方濟立欲將三代比用心非在一
身康初展小試餐霞術絕腴青精煮作糧

綠野清遊

柳岸陰陰抱郭斜肩輿長日興無涯天平近謁忠宣
廟甫里遙尋魯望家坐倒綠樽依蕙草步隨流水入
菰花清時處、耽行樂不種東陵五色瓜

芳園歌樂

翠壁紅泉竹繞籬午橋那得更清奇藥苗出土閒堪

○卷上

四 子刊三百

○卷上

五 子刊三百〇六

辦花氣熏衣醉不知迂叟記成猶昨日丈人機息已
多時白雲不好持相贈莫怪年來只自怡

逍遙壽域

帝德光華壽域開熙、無處不春臺笙歌院落神仙
醉錦繡江山宰相來玉樹自隨天地老牡丹誰為子
孫哉更有明朝約鶴背相將上九陔

陪徐天全遊城西諸峰

琴臺石屋窓躋攀上相襟懷豈等閒一路兒童皆拍
手幾人風雨亦登山乳泉分入茶爐內瑤草收來藥
籠間直把天平作盤谷烟霞高卧不知還

卷上

送參政俞

送君東郭倒離觴奏績誰如姓字香河洛幾年歌豈
弟朝廷昨夜夢賢良荷風画舫圖書遠槐雨青油
驛路長粉署賢郎知暫別紫泥行捧入明光

賀俞士悅司寇致仕

白玉階前拜 玉皇賜歸爭賀沐 恩光尚書已結
香山社丞相新開綠野堂物外烟霞容我老陌頭車
馬為誰忙緣知蔗境春如海日、樂賓入醉鄉

送太保陳有鑑致仕

分陝功成兩髯斑便陳骸骨動 龍顏仲翁賸有黃

金贈廣德寧無駟馬還翠栢十圍霜後老白雲一片
雨餘閒懸知別後勞清夢只在蓬萊咫尺間

葉都憲與中口外八景

赤城晝漏

簾外西風送早寒漏聲遙聽獨凭闌連開玉塞秋無
恙水滴金壺晝不乾客轉任教鈴外報記成還憶院
中看狂胡未滅頭先白點、令人不自安

雲州曉角

慘、寒雲漠、沙五更無地不霜花城頭小隊初
角夢裡征人未到家關月漸低孤影淡塞鴻不度一

卷上

行斜可憐憂國雙蓬鬢鏡裡今朝覺更華

獸石春畊

口外山川古戰場清時無事只耕桑懷柔本為堯仁
洽屯種尤多澤榮良春樹鳩啼千嶂雨曉田牛去一
犁霜將軍講武還蒐獵昨日彤弓殪白狼

馬營夏牧

西峪曾經問俗過馬羣一望接鵬窠文公謬說三千
富毛仲蓋稱十萬多沙上放來肥首舊雪中騎去取
蓬姿奚官指點龍媒說曾道金輿渡玉河

東庄秋饌

雲輜于兩出皇州流馬奚須羨武侯驂騎夜馳忘寢
食塞垣秋散有歌謳封倉不費參軍計煮弩何煩校
尉憂兵食年、勞 聖慮報恩須朝月氏頭

西衛冬衣

製自冬官費萬金綉衣馳賞奉綸音風高正賴縫紉
密氣銳全憑作養溪擇甲有心看寶劍枕戈無夢逐
清砧軍容整肅周宣盛儼犹何憂不就擒

鵬鵠夜雨

密、疎、聽不窮轅門昏鼓罷三通漢也禾黍雖零
足胡地塵沙未洗空過磧暗迷孤戍火入樓寒帶五
更風曉來南望長安近瑞日光華處、同

長安晴日

額上春明物色饒東風凝望思迢、山堯泥露紅千
樹沙柳垂烟綠萬條納土使來車軌、度關人太馬
蕭、帝城只在南山外紫氣長時射碧霄

送行人金尚德使湖廣

玉珮珊珊、出紫宸為傳 天語向湖濱仙槎有路寧
愁遠舊寮無金不厭貧牛渚月明秋練薄匡廬雲斷
曉鬟新應知後夜停橈處先著萊衣拜老親

葉都憲與中宴集次韻二首

酒逢知己便沉酣不用燈前勸再三雪月滿盤供馬
乳審尤開甕試金柑墨君獨愛湖州妙草聖爭諄長
史耽更約尋芳南陌春垂楊拂馬綠楊、
鳳團烹雪嗽餘酣數到元宵是四三市近易沽留客
酒路遙難致奉親柑長才食祿真無愧老眼看花自
不耽昨夜還家春夢裡門前碧樹影參、

早朝復用前韻

九重春暖碧桃酣萬戶人呼萬歲三綉縛已呈西苑
馬黃封初進福州柑詞臣應 制詩先就 聖主憂
民樂未耽大祀南郊陳鹵簿霓旌十里影參、

題楊林璣宜閒堂

龍馬精神鬣未斑相逢何事說宜閒平陽政簡終為
相定遠功名始入關丹鳳只應翔日下杰松休信在
人間他年歸第重開社未必香山勝錫山

送楊林璣侍戶

陌頭楊柳拂香羅湯折烟絲綰玉珂戶口盡歸周典
籍陽春須布漢山河鶯聲別處啼偏久花傷離觴落
故多清世夢龍滿臺閣狂來欲獻太平歌

遊虎丘和錢學士原博韻

仙人騎鶴下瀛洲短簿祠前作勝游山閣高寒簾捲

暮海天空濶雁來秋洞中碁為消閒著石上詩因吊古留說水尋山雖可樂紫泥只恐召韓休

遊吳山寶華寺復用前韻

錦綉湖山似十洲重陽未到已先遊向平老去偏多興杜牧重來不厭秋行處却憐雲作伴別時還愛雨相留呼童摘取芭蕉葉寫得新詩贈惠休

和錢學士原博宴朱玉雪池亭韻

水榭風亭列綺筵白頭相見各歡然地偏似與三山近人樂無如五福全檀板按歌來竹下黃柑薦酒聲霜前蠻箋醉掃三千字渴驥爭奔澗底泉

卷上

韓都憲永熙重恩堂

柱史封章一度過話花又見下鸞坡貴登三品人非少寵及雙親世豈多仙洞碧桃凝湛露石湖春水漲恩波橫金注玉高堂上蔗境其如此樂何

和韓都憲永熙留別沈陶菴韻

東林池館寂清幽冠蓋頻煩覓舊遊白酒醉來知幾度紫泥微起又三秋天邊湛露何多也海內遺賢可薦否使者還朝為相報陽春一曲少人酬

陪徐天全夏仲昭遊玉峰次韻

青峰高聳白雲頭今日來陪上相遊甫里晚烟紫茂

苑洞遲春水接湖州山中未乏連城玉海上空閒萬斛舟勝會况逢全盛日蘭亭不減晉風流

贈夏太常仲昭

乞得天恩下九關容臺爭似釣臺閒白雲不作人間雨黃雀惟思海上山欹枕北窗風澹澹濯纓西澗水潺湲大江南去三千里幾處林泉有客還

壽祝大參惟清

青瑣芳聲有數車省中今對紫薇花心懸天上雙龍關春滿山西百萬家座客此時看擘脯洞仙前日教喰霞願君王帶橫青日歸泛江南一釣槎

卷上

蘭桂同芳再壽祝大參

溪黃淺碧懶爭春歲晚空山自結羣謝氏好花天下少竇家奇樹月中分風霜院落偏宜賞錦繡衣裳不用熏白首休官逢盛立採芝黃綺不如君

送朱憲副父歸和州

目光如電貌如童鄉思逢秋逐短蓬烏府未看驄馬客碧山歸伴紫芝翁吟邊宿草隋行殿夢裡寒潮宋故宮歲晚吳門逢驛使梅花應得寄東風

送陳都憲有鑑再赴陝西

璽書將命出臺端共喜西陲有一韓枯木又需新

雨露疲民重拜舊衣冠
函關夜月雞前度
華嶽晴雲馬上看
聖主中興圖治切
登收殊績奏金鑾

送黃棘寺出使

紫禁含香侍翠華
口傳天語到天涯
萬方臣妾歌周化
八月魚龍避漢槎
海島只今多薏苡
郵亭自古有琵琶
可憐歲暮無他贈
折得寒梅數朶花

邊靜亭為翁總戎賦

十載威聲振百蠻
一亭開向柳陰間
金戈淨洗邊頭水
銅柱高標海外山
對月兵書還自讀
傷花壺矢不曾閒
莫言談笑封侯易
定遠心勞鬢已斑

卷上

十一子刊三百五

壽練侍御從道

戴勇清名重栢臺
賜歸雙鬢漸皤皤
閒庭疊石皆詩料
老圃栽花半藥材
玉塵醉揮教宦舞
畫樓高卧看雲來
知君不試食霞術
四海于今壽域開

練侍御宅賞牡丹

淡白深紅間淺黃
風光都屬綉衣郎
一從新譜傳吳下
懶向時人話洛陽
亭館宴餘翻別席
綺羅歸去剩餘香
承平此樂皆君賜
不似天涯憶故鄉

送陳汝勵赴廣東布政

彤庭月曉御烟浮
方伯新除拜冕旒
大匠未遺安

厦木雄藩先得濟
川舟江邊浪影搖
蒼玉道上棠陰引
碧油只恐紫泥教
赴關生祠空立在
遐陬

壽邢郡侯父

一經教子入臺端
自喜清時賦考槃
熊兆未歸周尚父
龍章先賜漢郎官
洞中瑤草熏碁局
海上珊瑚拂釣竿
八十須知等閒事
蟠桃子熟正加餐

和邢郡侯聞鵲韻

燕寢香爐換水沉
捲簾明對落花深
門無暮夜懷金客
腹有平生許國心
騏驥只今空萬馬
鳳皇終古異凡禽
循良拜相尋常事
鵲鶴何須報好音

卷上

賦得楓橋送憲副劉欽謨

闌干三百與雲齊
勢壓江橋處處低
朱雀飛來山雨外
彩虹垂在水城西
孤舟夜火詩人泊
華表春風貴客題
此地逢君乘驛馬
只疑平步上天梯

送姚郡侯更任鎮江

從容冠蓋出黃堂
今日諸侯舊省郎
纔向吳門作霖雨
又從京口布春陽
袖歸白璧渾無玷
移去寒梅不改香
我過甌城須下馬
坐聽田叟詠甘棠

送朱漢房僉事廣西

斗酒城陰醉落暉
桂林萬里惜分違
張綱奉使清名